



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 80. Ferdinandus Archidux Austriae in aliis Regni Comitibus electus.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI. torium Regni Palatinum, ac postea ma-
 A C 1526. ximam partem Baronum ac Prælatorum
 fibi adjunxit, quin imo ipse etiam Ca-
 rolus Cæsar ejusdem frater illam ope
 & consilio adjuvit.

§. LXXX.

*Ferdinandus Archidux Austriæ in aliis
 Regni Comitibus electus.*

Cum Regina factionem suam numero,
 viribusque sat conspicuam cerneret,
 propria auctoritate Passavium, ubi post
 Ludovici obitum sese receperat, Regni
 Ordines convocabat. Accedunt Mense
 Octobri hujus anni Principes, Regnique
 Proceres, ac sine ulteriori consultatio-
 ne Ferdinandum Archiducem in Hun-
 gariæ Regem eligunt, & Joannem Za-
 polum Regni usurpatorem declarant.
 Aberat ab hisce comitiis Archidux, quo-
 circa confestim ad eum legati decernun-
 tur, qui electionis nuncium deferrent.
 Ferdinandus, ut jus suum valide tuere-
 tur, numerosum conscripsit exercitum,
 quem ipse ducens Budæ recta admo-
 vit, ubi tum Joannes Zapolus moraba-
 tur; aspirabat fortuna Ferdinandi con-
 filiis; ferme enim ubique velut Rex ex-
 cipitur, ac nemine obnitente Budam oc-
 cupat, inde vero Regni Coronam susce-
 pturus, Albam regalem contendit; Jo-
 anne

anne interea se in Hungariam superio-
rem recipiente.

Sæcul. XVI.
C. A. 1526.

Nihilominus Procerum non pauci Ferdinandi electionem minime ratam habebant; eo quod Ludovicum olim infau-
sta sorte pressum ope sua destituisset, quamvis eidem gemino cognationis vin-
culo junctus esset, ex adverso autem Transylvaniae Præfectus unum ablegas-
set, qui eundem rogaret, ne prælii di-
scrimen subiret, donec ejus exercitus selecto milite, quem Joannes ex Tran-
sylvania adduceret, auctus esset. Ad-
debant insuper, quod Zapolus accepta funesta clade, opportunissimo loco ca-
stra posuerit, ac inde potissimum Hun-
gariæ inferioris partem a Turcarum fu-
rore protexerit.

§. LXXXI.

*Joannes Zapolus in Poloniam
profugus.*

Verum cuncta hæc rationum momen-
ta minime obstabant, quin Ferdi-
nandus velut Hungariæ Rex agnitus in-
auguraretur. Peracta coronatione suos
Belliduces jussit, ut Joannem Regem in-
sequerentur, eumque aut caperent, aut
regno propulsarent; ipse vero Ferdinan-
dus Viennam rediit. Paulo post Joan-
nes rursus Tibiscum flumen trajecit, at-
que

*Ishuanff.
rer. Hung.
lib. 9.*

Hist. Eccles. Tom. XXXV. K